

Broj: 01-07-351-02/10

Datum: 16.03.2010. godine

Na osnovu člana 7, 14, 15. i 30. Zakona o električnoj energiji („Službene novine Federacije BiH“ broj 41/02, 24/05, 38/05 i 61/09), člana 5, člana 6, člana 12. stava (1) i člana 14. stava (1) Statuta Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 13/04), člana 31. stava (2), člana 37. stava (3) i člana 39. Poslovnika o radu Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 59/04), člana 57. Pravilnika za tarifnu metodologiju i tarifne postupke („Službene novine Federacije BiH“ broj 45/05) i člana 17. Odluke o regulatornom kontnom planu („Službene novine Federacije BiH“ broj 58/08), Regulatorna komisija za električnu energiju u Federaciji Bosne i Hercegovine – FERK je 16.03.2010. godine na IV redovnoj sjednici donijela

O D L U K U

Član 1.

Usvaja se nacrt Odluke o izmjenama i dopunama Odluke o Regulatornom kontnom planu sa obrazloženjem uz nacrt, u tekstu kako je predložen za dnevni red za sjednicu.

Član 2.

Odluka stupa na snagu danom donošenja i objavljuje se na oglasnoj tabli i web stranici FERK-a.

O b r a z l o ž e n j e

Članom 7. Zakona o električnoj energiji propisano je da elektroprivredno društvo koje obavlja dvije ili više elektroprivrednih djelatnosti ili uz elektroprivrednu djelatnost obavlja i drugu djelatnost, dužno je voditi poslovne knjige i raditi finansijske izvještaje za svaku elektroprivrednu djelatnost odvojeno i odvojeno od drugih djelatnosti, u skladu sa propisima o računovodstvu. Članom 14. i članom 15. istog Zakona, kao i članom 5. i članom 6. Statuta FERK-a, propisano je da FERK vrši nadgledanje i regulisanje odnosa između proizvodnje, distribucije i kupaca električne energije uključivši i trgovce električnom energijom, da propisuje metodologiju za određivanje tarifa u elektroprivrednim djelatnostima proizvodnje, distribucije i snabdijevanja, kao i da utvrđuje tarifne stavove za korisnike distributivnih sistema i tarifne stavove za nekvalifikovane kupce i standarde za donošenje tarifa i stvara uslove za efikasan, pouzdan i ekonomičan sistem proizvodnje, distribucije i snabdijevanja električnom energijom.

Članom 30. Zakona o električnoj energiji propisano je pored ostalog da FERK može zahtijevati od svakog imaoца dozvole da osigura podatke i informacije koje su mu potrebne u svrhu primjene Zakona, a imalac dozvole je dužan dostavljati navedene podatke i informacije u traženim rokovima i saradivati sa FERK-om.

Članom 39. Poslovnika o radu FERK-a je propisano da nadležni organizacijski dio FERK-a započinje postupak kreiranja pravila i propisa u formi radnog materijala na osnovu zakona, vlastitog prijedloga ili kao odgovor na zahtjev pravnog ili fizičkog lica, a potom priprema nacrt općeg akta koji se razmatra i utvrđuje na redovnoj sjednici FERK-a.

Članom 57. Pravilnika za tarfinu metodologiju i tarifne postupke propisano je da će FERK za potrebe primjene ovog pravilnika, dio drugi „Tarifna metodologija“, posebnom odlukom utvrditi Regulatorni analitički kontni plan, dok je članom 17. stav (1) i (3) Odluke o regulatornom kontnom planu propisano da FERK može, po potrebi, prilagoditi propisane formulare koji se dostavljaju u tarifnom postupku Regulatornom kontnom planu, te da će FERK usklađivati RKP u skladu sa promjenama propisa kojima se uređuje kontni okvir za preduzeća u Federaciji BiH, formulari bilansnih šema koje podnose elektroprivredna društva u Federaciji BiH i odredbi MRS-a i MSFI-a kao i potrebama tarifnih postupaka.

Osnovni razlog za donošenje Odluke o izmjenama i dopunama Odluke o regulatornom kontnom planu je usklađivanje odredbi Odluke o regulatornom kontnom planu sa zakonskim promijenama koje su se desile u oblasti računovodstva i poreza na području Federacije Bosne i Hercegovine, kao i izmjene i dopune koje su se nametnule kao nužne primjenom RKP-a u praksi. Imajući u vidu prethodne odredbe, kao i odredbe člana 37. stava (3) Poslovnika o radu FERK-a koji propisuju da se odlukom uređuju pojedina pitanja iz oblasti elektroenergetskog sektora u skladu sa Zakonom, te člana 39. istog Poslovnika koji propisuju da nadležni organizacioni dio FERK-a započinje postupak kreiranja pravila i propisa u formi radnog materijala na osnovu zakona, vlastitog prijedloga ili kao odgovor na zahtjev pravnog ili fizičkog lica, a potom priprema nacrt općeg akta koji se razmatra i utvrđuje na redovnoj sjednici FERK-a, odlučeno je kao u dispozitivu ove odluke.

PREDSJEDNIK FERK-a
Zdenko Šimunović s.r.